



God sommer!



Utgjeve av Sogndal kyrkjelege fellesråd

Redaktør: Hallgeir Øgaard Westli

Bankgiro: 3705.40.71206

Postadresse:
Sogndal kyrkjelydsblad
Postboks 180, 6851 Sogndal

Besøksadresse:
Stedjetunet, 2. etasje
Kyrkjevegen 6, 6856 Sogndal

Telefon kyrkjekontoret:
57 67 99 85,
e-post: post@sogndal.kyrkja.no

Heimeside:
www.sogndal.kyrkja.no

Facebook og Instagram:
Kyrkja i Sogndal

Grafisk:
printfarm.no

Kyrkjelydsbladet blir sendt til heimane i alle sokn i Sogndal kommune med unntak av Leikanger sokn. Det er også mogleg å tinga bladet for dei som bur utanfor sokna bladet vert distribuert til.

Neste nummer av kyrkjelydsbladet kjem ut i slutten av september. Stoff kan sendast til post@sogndal.kyrkja.no no innan 27. august.

Bladpengar: kr. 300,- pr. år,
kr. 400,- for abonnentar.

LEIAR:

Ferdig snart?

Når vi er på lengre bilturar, er det ikkje så reint sjeldan at det kjem eit par spørsmål frå baksetet – «Er det langt igjen no?», «Korti er vi framme?» Ofte skjer dette når vi har køyrt ein times tid, og det kanskje er eit par timar att av bilturen. Då gjeldt det å finne nokre aktivitetar sånn at resten av bilturen går unna utan at det vert for keisamt for dei to i baksetet.

For tida føler eg meg litt som ungane mine i baksetet. «Korti er vi ferdig med korona», «Er det lenge igjen no?». Altså – eg er luta lei korona, og eg vert ikkje lei meg om du som lesar tenkjer «skriv han om korona no igjen??» Men no kjem vi sakte, men sikkert tilbake til eit normalnivå, får vi tru. Ting opnar opp.

Rett før eg skreiv denne leiaren vart nivå 2 av gjenopninga innført. Det å kjenne at no kan vi planlegge for det meir normale – det er godt. For det er ikkje til å leggje skjul på at det nok er mange som har kjent på ein viss frustrasjon over at ting har vore planlagt, så avlyst, så flytta og planlagt på nytt, for så å bli avlyst igjen fordi situasjonen har endra seg frå veke til veke.

Eg håpar at vi no er på veg inn i ei meir stabil tid, der vi kan planlegge OG gjennomføre slik vi har tenkt!

Mange fysiske arrangement hjå oss har vore avlyst eller utsett denne tida, men heldigvis har vi fått gjennomført mykje. Litt lenger uti bladet, kan du sjå bilete frå eitt sånt arrangement – Tårnagent. Dette vart til slutt gjennomført i byrjinga av mai med 25 tårnagentar frå heile Sogndal kommune.

Vi håpar å kunne arrangere fleire møtepunkt i tida framover, og gler oss til å sjå deg i kyrkja!

Takk til Printfarm

Til slutt må eg få rette ei takk til trykkeriet vårt, Printfarm i Øvre Årdal. Nummeret du les no, er det siste som vert produsert hjå dei, og frå neste nummer vert kyrkjelydsbladet produsert hjå Ingvald Husabø Prenteverk (IHP) på Leikanger. Tusen takk til Printfarm for det produktet og dei tenestene dei har levert til oss gjennom fleire år!

Eg vil òg rette ei stor takk til dei to dyktige designarane hjå Prinfarm, Ane og Wenche, som har kome med innspel og tankar og gjort sitt til at vi har fått laga eit blad vi er svært nøgde med. Takk for det gode samarbeidet vi har hatt!

God sommar!

Hallgeir Øgaard Westli
Redaktør

Foto på framsida:

Stort bilete:
Ølmheim kyrkje. Foto: Hallgeir Øgaard Westli

Lite bilete venstre:
Tre tårnagentar i aksjon i Ølmheim kyrkje.
Foto: Kyrkja i Sogndal

Lite bilete høgre:
Illustrasjonsfoto. Kjelde: Pixabay

Stoff og bilete til Kyrkjelydsbladet

Har du teke bilete eller skrive noko som du ynskjer at vi skal ta inn i bladet? Send det gjerne på e-post til post@sogndal.kyrkja.no innan 27. august.

Praksisstudentar

Hei!

Vi er to studenter ved HVL Sosialt Arbeid, som har vært så heldige å få praksisplass på kirkekontoret. Vi var spente på hva vi kunne bidra med, spesielt som var relatert til vår utdanning. Vi trengte ikke å være spente så veldig lenge. Her har vi blitt tatt godt imot - og vi har fått oppleve hjertevarmen i kirka på nært hold. Kirka i Sogndal er en fantastisk arbeidsplass.

I løpet av praksisperioden har vi satt i gang med et prosjekt. Det prosjektet innebærer å ønske alle velkommen inn i kirka, og tilrettelegge sånn at det passer for alle. Vi har i den forbindelse et samarbeid med bo- og miljøtjenesten i Sogndal, der vi har ønsket alle med psykisk utviklingshemming velkommen til «torsdagsklubben». En møteplass med sang, musikk og bingo med fokus

på glede, samhold og mestringsfølelse. Disse møtene vil foregå en torsdag i måneden, og vil fortsette også etter at vi er ferdige i praksis. Vi gleder oss veldig til å teste ut hvor godt dette fungerer, og vi er beæret over å få lov til å gjennomføre noe så gøy og viktig. Det er jo nettopp det kirka skal være – en møteplass for alle.

Så sto vi der

To studenter

Ante ingenting om kristen tro

Hvordan skulle dette bli, mon tro?

Jesus, Gud og påskevandring

Visste ikke helt hvordan presten var i handling

Konfirmanter, dåp og begravelse

Fokus på glede, sorg og helse

Samhold, hjertevarme og tro

Og en tanke om at alle

Er like god.

Takk for at vi fikk lov!

Tina - Praksisstudent



Kyrkja som fellesskap

Tida vi er i, har gitt oss nye utfordrande oppgaver, dyrekjøpt erfaring og samtidig gitt oss høve til nytenking. Rundt omkring i bygdene har det blomstra med kreativitet, påfunn, gode tankar og handlingar - alt for at vi skal kunne få til noko av det vi ynskjer mest – vere saman med andre menneske og ha fellesskap. Eg kan nok ikkje ta ordet for alle, men vil meine at vi er gode på å tilpasse oss og vere fleksible når vi må!

Mange av oss har nok fleire spørsmål knytt til kyrkja, gudstenestelivet og fellesskapet etter at vi har måtte gjere såpass store endringar i det etablerte. Kan hende skal vi satse både på gudstenester, men òg ta med oss nye moglegheiter for å bruke kyrkjerommet meir fleksibelt! Vil du vere med på dette?

Kyrkjelyden består av levande steinar, der alle har sin plass. Derfor snakkar vi ofte om

fellesskapet, og det å skape noko saman, at vi treng kvarandre -som lemmer på ein kropp. Lat oss difor møtast i kyrkja og byggje kyrkja saman!

Gitte Therkelsen Torstad

DIAKON

Nytt frå fellesrådet

I skrivande stund er det framleis slik at koronarestriksjonar set sitt preg på dei prosjekta som er i gang, men samfunnet er i ferd med å opne seg opp att i takt med det aukande talet på vaksinerte. Dette gjer oss optimistiske og gir håp om å få alle våre prosjekt og aktivitetar opp å gå framover.

Nye Stedjetunet

Det nye Stedjetunet er også på plass med gode lokale som kan nyttast til mykje. Kyrkjeringane i Stedje sokn er komne godt i gang att, og det same har babysong og samlingane i sorggruppa. Nemnda for ungdomsarbeid er også i god gang med mange planar for bruken av bygget. I Stedjetunet finn du lyse og trivelege lokale som kan nyttast til mange ulike aktivitetar. Har du ein god idé du gjerne vil få sett ut i livet, er du velkomen til å ta kontakt!

Brannsikring og utviding av gravplassen

På Leikanger er arbeidet med brannsikring av kyrkja godt i gang, og skal vere ferdig til sommaren. Kyrkja må truleg halde stengt i om lag 1 veke på grunn av dette arbeidet, men me vil gjere det me kan for at dette skal gå minst mogleg ut over bruken av bygget.

På Stedje er arbeidet med utviding av gravplassen godt i gang. Dette vart også nemnt i førre nummer av kyrkjelydsbladet. Her får me fleire nye gravfelt for kistegraver, men også nokre eigne felt som er tiltenkt urner. Det kjem også nye vasspostar og benker i området og me får inn nye lyspullertar langs vegen. Det vil samstundes

også bli utført nokre utbetringar på noverande gravplass. Det nye området håpar me blir fint med fleire nye planter og hekkar.

Boss på gravplassane

Kyrkja handterer no sjølv bosset på gravplassane. På nokre av gravplassane hadde me tidlegare avtale med kommunen om å gjere dette, men etter samanslåinga har kyrkja sjølv tatt over dette ansvaret. Det er oppretta avtalar med Simas om tømning av dunkar i samband med deira vanlege ruter for bosshenting. Dei tilsette samlar saman bossekkene frå stasjonane inne på gravplassane i forkant av Simas sin henterunde. Me vil gjere så godt me kan for at du ikkje skal møte fulle bossdunkar, men innimellom kan dette likevel skje. Dersom du kjem til ein stasjon inne på gravplassen der bossdunken er full, set me pris på om du har høve til å skifte ut sekken med ein ny. Det ligg rullar med bossekker ved alle stasjonar som du kan nytte. På førehand – tusen takk!

Praksisstudentar

Kyrkjekontoret har hatt triveleg besøk av to studentar i vår. Tina og Frida kom i byrjinga av april og skal ha praksis her ved kontoret til litt ut i juni månad. Dei har for det meste følgt arbeidet til diakonen, men har også sett seg inn i arbeidet til dei andre tilsette ved kontoret. Tina og Frida er to hyggelege jenter som det har vore berikande å ha med oss, og me håpar også at dei har trivest.

Sommar og optimisme

Når du får dette bladet i hendene er det sommar og eg håpar me har ei tid med

optimisme, kjærleik og openheit framfor oss. Eg skreiv ein tekst til 150-års jubileet til Ølmheim kyrkje i 2013. Eg tek den med til slutt her og vil med den få ynskje dykk alle ein retteleg god sommar!

Ei perle vakkert skin

Ei perle vakkert skin.

*Små barneauge strålar og viser oss ei verd full av kjærleik, lys og fin.
Dei viser oss ei verd som ventar,
ei perlerand på himmelen blå,
ei verd der vakre tonar møtest,
ei verd med blomar, sol og liv.*

*Slik vatnet væter jord,
slik får den vesle spira liv og vaknar i den mørke jorda.
Slik vert den vesle knapp ei rose,
ei blomstereng, eit fargeskrin,
som åkerlappen med si grøde:
det mettar både kropp og sinn.*

*Eit smil for frose sinn.
Små doggdropar funklar og lyser i det vårgrøne graset på jord.
Den vesle spira vaknar, lever.
Guds kjærleik tryllar lyset fram,
så sol og varme smyg til hjarta.
Den tiner sinn og kalde jord.*

*Slik gir vår Gud oss håp.
Ein blomekrans av dufter og prakt i regnbogen sitt vakre fargeskin.
Eit håp som løfter oss i glede,
ei sol på himlen gir oss liv,
som vatnet renn mot opne havet.
Det gjer det godt å vera til.*

*Det er ei gåve stor.
Alt ligg der klart og ventar med lys og varme, grøde og fine vekstar.
Dei viser klårt Guds kjærleik til oss,
alt godt han ynskjer slik å gi:
ei verd av kjærleik, harmoniar.
Det er ei gåve til vår jord.*

Jorunn Merete Haukås-Eide
kyrkjeverje i Sogndal



Dåp

Velkommen til dåp!

Når eit barn blir bore til dåpen, vert vi minna om at ingen kan bera seg sjølv. Gjennom dåpen vert vi del av eit verdsvidt fellesskap, og samstundes ein del av den lokale kyrkja. Vi vert bundne saman med truande til alle tider.

Dåpen er ei markering der barnet har alle sine viktigaste støttespelarar rundt seg, og der Gud lovar å følgje barnet alle dagar.

Les meir og meld inn dåp på www.sogndal.kyrkja.no/Dåp



DEN NORSKE KYRKJA
Sogndal kyrkjelege fellesråd

Ei historie om gudstenesta

Gudstenesta har røter attende til urkyrkja og etter som hundreåra gjekk, kom ulike liturgielement til og fekk sin plass.



Gudsteneste i ei kyrkje i Berlin. Foto: Pixabay

Dei første kristne «heldt seg trufast til læra frå apostlane, til fellesskapet, brødsbrytinga og bønene» les me i Apostelgjerningane 2, 42, og tidleg vart det vanleg å samlast første dagen i veka - vår søndag (Apg 20,7). I forteljinga om emmausvandrarane les me at Jesus sjølv la ut skrifta og viste korleis ho peika på han (Luk 24, 27). At Jesus Kristus er hovudperson i Bibelen, er ein løysingsnøkkel òg for gudstenesta. Fleire stader i breva kjem me tett på forkynninga i urkyrkja:

Han vart openberra i kjøt og blod, rettferdiggjord i Anden, sedd av englar, forkynt mellom folkeslag, trudd i verda, oppteken i herlegdom.
(1. Tim 3, 16)

Eit anna glytt inn i den urkristne gudstenesta får me i 1 Kor 14, 16 der amen (det er sant og visst) blir nytta som eit gjensvar på det som blir sagt. Den tidlegaste gudstenestefeiringa med si ekte glede, sitt djupn og alvor er det

store førebiletet for all seinare gudstenestefeiring.

Dåp og nattverd er liturgielement med tydelege koplingar attende til tidleg gudstenestefeiring. Når ein i dåpen blir døypt til «namnet åt Faderen og Sonen og Den heilage ande» (Matt 28, 10), så er dette referert i Didache, eit skrift frå omlag år 100. Dermed er dette noko av det som har følgt gudstenesta lengst. I andre århundre skriv Justin Martyr (100-165) at i gudstenesta er det no vanleg med skriftlesing

frå bibelske skrifter med etterfølgjande preike. Han fortel at det òg var etablert skikk å samla inn pengar til naudlidande. I dagens forbøn blir det bedt for «...ditt skaparverk...» og for «...vår konge og hans hus...». Tilsvarande bøner vart nytta i gudstenesta på Tertullian (155-220) si tid.

Nattverden er særmerkt for den kristne gudstenesta. Dette måltidet gir fellesskap mellom kristne og er ein stad der Guds tilgjeving blir teken imot på synleg vis.

Innleiingsdialogen lyder slik:
Liturg (L): Herren vere med dykk.
Kyrkjelyd (K): Og med deg vere Herren.

L: Lyft dykkar hjarte.

K: Vi lyfter våre hjarte til Herren.

L: Lat oss takka Herren vår Gud.

K: Det er verdig og rett.

Dette er ord som har følgt vestleg og austleg kristendom heilt frå 200-talet og er såleis felleskristen eige og dermed eit uttrykk for det universelle med kristen tru.

Litt etter innleiingsdialogen følgjer heilagprisinga eller Sanctus (Jes 6, 3):

*Heilag, heilag, heilag er Herren
Sebaot, all jorda er full av hans
herlegdom*

For vår kyrkjegrein vart dette teke inn kanskje alt på 300-talet. Strukturen av lesingane i gudstenesta endra seg litt etter litt, m.a. under påverknad av kyrkjefedrene Ambrosius (339-397) og Augustin (354-430). Det vart vanleg med ein fast struktur med tre lesingar; først frå Det gamle testamentet eller breva, så frå ein av salmane og til sist

ein evangelietekst. På slutten av 300-talet var det òg fastsett kva skrifter Bibelen skulle innhalda, og dermed vart det lettare med ei slik ordning.

Bøneropet «Kyrie eleison» (Herre, miskunna oss) vart teke seint i bruk i kyrkja i vest, men på 500-talet veit ein at det var kome inn i liturgien.

Truvedkjenninga er hos oss eit fast ledd i gudstenesta, men slik var det ikkje dei første hundre-åra. Då var det gjerne i dåpsgudstenester, som ofte var lagt til påsketida, at dei som skulle døypast sa fram den truvedkjenninga som vart nytta lokalt. Og i tider då det kristne trusinnhaldet har blitt sett under press, har det vore viktig med presise formuleringar. Den nikenske fekk si endelege utforming under kyrkjemøtet i Konstantinopel i 381, medan den apostoliske er yngre og endeleg formulert i 6. eller 7. århundre. Den er heller ikkje felleskristen eige – den høyrer til kyrkja i vest. Det var kanskje først på 1000-talet at truvedkjenninga vart ein fast del av gudstenesteliturgien.

Når det gjeld Fader vår eller Herrens bøn, så var det truleg pave Gregorius den store (d. 604) som sytte for at denne bøna kom inn i liturgien.

Av samkomer er nok gudstenesta noko av det eldste me har – konkret, bunden av tid og rom – med eit innhald som strekkjer seg ut over dette. Vonleg er det slik at dei gamle røtene gir oss ein historisk dimensjon som me gjerne vil ta del i.

Helge Eilifsen
tekst

Kjelder

Drecoll, Volker Henning (2011). «Gottesdienst in der Alten Kirche»

Eckstein, Hans-Joachim (2011). «Gottesdienst im Neuen Testament»

Begge i *Kompendium Gottesdienst*, Tübingen: Mohr Siebeck

Hellerström, A.O.T. (1940).

Liturgik. Stockholm: Svenska kyrkans diakonistyrelses bokförlag.

Friluftsgudstenester i sommar

20. juni: Stølsberg, Vetlefjorden kl. 11.00
Kaupanger, friluftsgudsteneste på Museet kl. 11.00.
Felles med Stedje sokn.

25. juli: Fjærland kl. 15.00:
Gudsteneste ved Bremuseet.

1. august: Fimreite kl. 15.00.

8. august: Torstad Grendahus kl. 11.00.

15. august: Holmevasshytta, Gaularfjell kl. 12.00.

Gudstenester med konfirmasjon

For konfirmantlister, sjå side 11.

Laurdag 21. august:
Kaupanger stavkyrkje kl. 10.00 og kl. 12.00.
Leikanger kyrkje kl. 11.00.

Laurdag 28. august:
Stedje kyrkje kl. 10.00 og kl. 12.00.
Tjugum kyrkje kl. 11.00.

Laurdag 4. september:
Stedje kyrkje kl. 10.00 og kl. 12.00.
Leikanger kyrkje kl. 11.00.

Laurdag 11. september:
Ølmheim kyrkje kl. 11.00.
Fjærland kyrkje kl. 11.00.

Konfirmanter 2020 i Stedje, Norum og Kaupanger sokn

Alle foto: Christan Blom



Stedje laurdag 10. oktober kl. 10.00

Rad 1, frå venstre: Liv Anna Skaar Listheim, Vilja Falck Husum, Ruben-Aron Leirdal, Oliver Øygard Ølnes, Anne Cathrine Bergheim, Emma Kristin Gunvordal. Rad 2, frå venstre: Diakon Gitte Therkelsen Torstad, ungdomsprest Andreas Danbolt, Torbjørn Engset, Ola Liheim, Anna Fimreite, Ingeborg Barkved, Anna Sunneva Hågvær, Juni Andrea Skjeldestad, Kristin Rubner Johansen, Sidney Isaac Otieno, sokneprest Mikael Bruun.



Stedje laurdag 10. oktober kl. 12.30

Rad 1, frå venstre: Elise Hovland, Andrea Russ Weinbach, Helene Norheim, Martine Aaberge, Ingvild Eikevik, Thea Sønnesyn. Rad 2, frå venstre: Sokneprest Mikael Bruun, Odne Espe Vikheim, Sigurd Resaland, Ivar Alpen Kvåle, Carmen Victoria Fedje, Ingrid Hov Heggstad, Dennis Selseng, Marius Årøy, Kjetil Stenehjelm, ungdomsprest Andreas Danbolt, diakon Gitte Therkelsen Torstad.



Stedje laurdag 17. oktober kl. 10.00

Rad 1, frå venstre: Tone Stenehjøm, Andrea Bruland Øygard, Laila Stenehjøm, Thea Bakke Dvergda, Jin Therese Schøyen, Synne Bakke Dvergda. Rad 2, frå venstre: Diakon Gitte Therkelsen Torstad, Sokneprest Mikael Bruun, Jakob Loftesnes Harjo, Alexander Gulholm Friborg, Mathias Lee Breilid, Ane Malen Sætren Myklebust, Kate Skjeldestad, Håvard Lee Breilid, Helmer Husum, Mathias Lemvik Vigdal, Ungdomsprest Andreas Danbolt.



Stedje laurdag 17. oktober 2020 kl. 12.30

Rad 1, frå venstre: Lena Nesse Heggstad, Siri Munthe Olsen, Brian Teigen Kvam, Vegard Kongelf Stadheim, Hanna Loftesnes Breilid, Eili Drageset Ellingsen. Rad 2, frå venstre: Diakon Gitte Therkelsen Torstad, sokneprest Mikael Bruun, Thorvald Helle, Jadeen Georg Mulondi, Alfred Wåltoft Vangestad, Mathias Veum Tuftene, Kenneth Solne, Martin Sva Wergeland, Elias Selseng Johansen, Leo Hillestad, ungdomsprest Andreas Danbolt.



Kaupanger 24. oktober

Rad 1, frå venstre: Tale Moldestad Eineteig, Maria Vedvik, Linn Langen Dale.

Rad 2, frå venstre: Kristina Ruud, Andrine Teigen Jensen, Linnea Flikki, Marie Haukøy Eckhoff, Ada Ørnes Tvedt, Oda Sjøthun, sokneprest Kathrine Valle. Rad 3, frå venstre: Ungdomsprest Andreas Danbolt, Vetle Bendik Skjerdal Fimreite, Iver Sætre Systad, Gaute Aaberge Dale, Eirik Rognstad Ness, Mathias Vattestad, Trygve Grønsberg, Magnus Langen Dale, Sigve Svandal Skogheim, Jacob Numedal Engebø.



Ølmheim laurdag 3. oktober kl. 11.00

Rad 1, frå venstre: Inga Einevoll Fimreite, Åshild Davidsen Fimreite, Ingebjørg Reppen Halset, Isabell Moene Slinde.

Rad 2, frå venstre: Sokneprest Vegard Bondevik Lie, Oliver Eidsaune, Sindre Fardal, Markus Lazaro Mannsverk Bringas, ungdomsprest Andreas Danbolt.

Konfirmasjonar hausten 2021

Dei fleste konfirmasjonane vart i år flytta frå våren til hausten. Då kyrkjelydsbladet gjekk i trykken i byrjinga av juni, var det framleis dialog med nokre foreldre angående konfirmasjonstidspunkt. Listene under vert difor publiserte med atterhald om endringar. Då listene vart publiserte i påskenummeret av Kyrkjelydsbladet, vart diverre ei av gruppene frå Stedje-konfirmantane utelatt. Vi orsakar feilen.

Ølunheim kyrkje

11. september kl. 11.00

Sivert Alpen
Vanessa Lorentzen Brenden
Sara Christensen
Alexander Kure
Tuva Barnses Lærum
Johan Emanuel Nornes
Celina Slinde
Adrian Vikør Slinde Ahlin
Thea Øvereng Ylvisåker

Stedje kyrkje

Laurdag 28. august kl. 10.00

Elling Ingeson Kvåle
Even Heggstad
Ada Bertina Gunvordal
Eirik Leikanger Gjerdalen
Kaja Bjelde Hjelmhaug
Linnea Skartun
Mathias Øren
Ola Lerheim Olsen
Vilde Aspeseter Bäckström
Adrian Høgi
Viljar Stavø

Laurdag 28. august kl. 12.00

Noah Hofslundsengen
Ole Sætrehaug Stedje
Sander Sjøthun Heggstad
Alexander Granholt Orrestad
Andreas Flatane
Brage Servold Wåseth
Carmen Navarsete Oxholm
Espen Vikdal Krogh
Jaran Elvagjeng

Johan Lefstad Drægni
Marthe Aardal Venes
Selma Feidje Rørvik
Sivert Skålid

Laurdag 4. september kl. 10.00

Ingve Josvanger Borlaug
Elias Johnsen Nesvoll
Eskil Holum Gjørven
Frank Rafael Morris Kjørhaug
Håkon Barsnes
Ingvar Hollekve Hagen
Isak Bøthun
Mia Stende Selseng
Noah Lunde Hillestad
Sander Vindedal Espe
Synva Solstad Herfindal
Trym Thomasson Hoff-Dalsøren

Laurdag 4. september kl. 12.00

Ella Mari Pettersen
Adam Selseng Johansen
Andreas Jensen
Feven Tsegay Alem
Jenny Feidje Rørvik
Anja Ytrøy Wiborg
Kent Harberg
Knut Liheim
Kristian Kongelf
Malin Ytrøy Wiborg
Silje Ytrøy Wiborg
Per Fimreite

Kaupanger kyrkje

Laurdag 21. august kl. 10.00

Marte Senneset Aaberge
Kasper Bolset

Kriss Havila Bonabandi
Benjamin Aasen Engebø
Ine Langen Dale
Martine Lerum Hjelhaug
Bertine Bruland Selseng

Laurdag 21. kl. 12.00

Peder Flåten
Eline Grønsberg
Julie Settevik Midtgård
Ida Øyre Osuch
Trym Sva Ramstad
Preben Farnes Solbakken
Angelica Nygård Ålsberg

Tjugum kyrkje

Laurdag 28. august kl. 11.00

Austeja Adomaviciene
Brynjar Fuglestad
Elias Johannes Nilsson
Francesco Johannes Tjoflaa
Miconi
Peter Bøthun
Renars Berneckis Neset

Fjærland kyrkje

11. september kl. 11.00

Karoline Skeide
Nora Supphellen Solsvik
Kristi Anne Skeide

Marius Reed Mundal vart
konfirmert i Fjærland kyrkje
23. mai.



«Himmel over livet» – tårnagentdagen 8. mai

På sjølvaste frigjeringsdagen samla me ein gjeng tredjeklassingar i og ved Ølmheim kyrkje. Endeleg! For etter to utsetjingar, vart det lenge å vente for både tårnagentar, kyrkjetenar, trusopplærar og prest.

Sidan agentane går på 5 ulike skular, måtte det ein heil del logistikk til i planlegginga av dagen. Me laga grupper på 3–5 deltakarar, og alle gruppene hadde englevakter som passa på at alt gjekk greit føre seg. Då me hadde velkomstsamling ved kyrkjetrappa, kikka sola fram og helste oss, og minna oss om at Jesus er ljuset for verda. I løpet av to timar rakk alle dei 6 kohortane opp i tårnet og rundt på ulike postar i og utanfor kyrkja, pluss at me åt nygrilla pølser og var samla til ei lita gudsteneste. Med så kjekke agentar rekk ein mykje på kort tid!

Birte Husum
Trusopplærar





Trusopplæring i Balestrand sokn

Babysong (0-2 år):

Ta kontakt med kyrkjelyds-pedagogen (466 97 476) om du er interessert i å vere med på Babysong på Helsestasjonen.

Nestenåring (5.-8. kl.)

Fredagsklubb på Bedehuset kl. 18-20. Datoar i haust: 27/8, 24/9, 22/10, 19/11 og 17.12. På opningssamlinga, 27. august, er 5. klassingane særskilt inviterte, og dei får Teikneseriebibelen i gåve.



SommerTreff (13-16 år) 21.-25. juni på Sygna vgs i Balestrand

Dette er ein leir med god undervising og mange artige aktivitetar. For meir informasjon og påmelding: sygna.vgs.no. Har du spørsmål, kontakt Henning på hsagevik@sygna.vgs.no.



19. september blir det utdeling av Barnebibel til 6-åringane i Tjugum. Invitasjon til samling og gudsteneste kjem i posten!

TOL-tiltak haust 2021

Fjærland, Kaupanger, Leikanger, Norum og Stedje sokn
Me håpar å ha så normale tilhøve som mogleg. Endringar kan kome.

TOL-tiltak	Alderstrinn	Dato/kl.	Sokn
Blomstergudsteneste med utdeling av seksårsbok og arbeidshefte, og bibel til 11-åringar. Heile familien er invitert.	6 år 11 år	20.06. kl. 11.00	Fjærland.
Bibel-bok-utdeling: «Ei vandring gjennom den store forteljinga»	11 år	05.09. kl 11.00 Meir info kjem om Leikanger og Kaupanger.	Norum Leikanger Kaupanger (Stedje har hatt utdeling.)
Babysong	0-1 år	Følg med på Facebook og nettsida vår.	Leikanger, Stedje og Kaupanger. Fjærland- og Norumbabyar er velkomne der dei måtte ynskje å møte opp.
Skulestartgudstenester med utdeling av seksårsbøker og arbeidshefter.	6 år	15.06. kl 11.00 Kl 11.00 Kl. 16.00 Kl 17.00	Stedje Norum Kaupanger Leikanger
Hausttakkefestar med utdeling av fireårsbok.	4	26.09. Kl 11.00 Kl 11.00 03.10. Kl 11.00 Kl. 11.00 Kl. 17.00	Kaupanger Fjærland Stedje Norum Leikanger
Tårnagentdag	8 år (fødde 2013)	23.10.	Alle fem sokna inviterast
Lys Vaken i Leikanger kyrkje	11 år	20. - 21.11.	Alle fem sokna

Trusopplæringa på Facebook: «Trusopplæring – kyrkja i Sogndal»




Babysong har også ei Facebook-gruppe som heiter «Babysang i Sogndal». Det er der me har direktesendt babysong.

Samtalegruppe for ungdom

Du som går på ungdomsskulen og har spørsmål om livet, døden, Gud, kvardagen eller noko heilt anna, er hjarteleg velkomen heim til Magni Åm Risa (kyrkjelydspedagog) i Fjærestad 42 til mat og prat kl. 19-21 annakvar tysdag. Første samling er 2. september.





Helsing til dei frivillige

Som kyrkjegjengar og prest vil eg seie takk for innsatsen i året som har gått! Mange har hive seg rundt og lært seg både digitale ferdigheiter og mangt og mykje om smittevern. Mange har og måtte gjort ein frivillig innsats for å halde talet på nærkontaktar nede. Ein innsats som inneber at noko av det vanskelegaste av alt som finnest. Nemleg å vere heime og ikkje kunne bidra med det ein vanlegvis gjer, men snarare kjent at resignasjonen har teke litt over for gløden og engasjementet.

Eg har i løpet av mine seks år som prest for fyrste gong opplevd at det ikkje er kyrkjekaffi på mange månader, og kjent at det har vore eit stort sakn, men no har abstinensane gitt seg og eg vert litt usikker på om nokon kjem med kaffien etter kyrkja, og om det er trygt.

Mykje av det sosiale som konfirmantane skulle vore med på har vi måtte avlyse. Leir og heimegrupper for å nemne noko. Det har vore eit sakn. Vi har vore gjennom eit år som har forandra oss, men vi skal ikkje tilbake til før korona, vi skal framover til etter korona! For no er det lys i tunellen! No har vi moglegheit til å skape noko nytt.

Når sommaren er over, og vi forhåpentlegvis er vaksinerte, då er det tid for å finne vegen å gå vidare. Kanskje er det nye oppgåver du skal inn i i Guds rike, anten det er i kyrkja eller andre stader. Kanskje har du ein idé til korleis vi kan bringe Guds kjærleik til menneske rundt oss og gje nytt håp til dei som har mista motet. Eg trur at vi no må nytte tida som kjem til å bygge fellesskapen. Eg trur ikkje folk av seg sjølve renn ned dørene til kyrkja så snart det opnar opp, akkurat som dei ikkje kjem til å renne ned dørene til treningssentera heller. Eg trur folk treng litt tid og litt hjelp for å kome i gang.

Slik som mange heiv seg rundt og lærte nye ting då koronaen tok til, på same måte er tida der no for å på ny hive seg rundt, og hjelpe kvarandre inn i fellesskapen att. Inviter nokon med på gudstenester og samlingar, bli med og kok kyrkjekaffi eller meld deg som medhjelpar for konfirmantar eller som tekstlesar. Alle er vi kalla til teneste i Guds rike akkurat som vi er, og vi har bruk for kvarandre, og ikkje minst har vi no bruk for å møtast og sjå kvarandre!

Velkommen til å bli med å bygge opp att fellesskapen, og velkommen til kyrkja. God sommar.

Andreas Danbolt
ungdomsprest



www.lerum.no

online
Ditt TRYKKERI i Sogn og Fjordane



Printfarm.no

av Skrivargarden AS



Fossetunet 1 | 6856 Sogndal
Tlf: 57 67 65 40 | skjeldestad@kontorspar.no
www.kontorspar.no

alliance*
—
OPTIKK

Sogn Synssenter

Eit variert utval i alle prisklassar av
innfatningar, brilleglas, kontaktlinser
solbriller, kikkertar og luper.

Tlf: 57 67 50 50



ADVOKATFIRMAET
TOLLEFSEN

Parkveien 5, 6856 SOGNDAL • Tlf. 57 62 88 50 • e-post: post@advokat-tollefsen

Ledig annonseplass!

GRAVMINNE:

Me formidlar
nye gravminne
og innhogging
av namn på eldre.

Me tek og på oss
oppussing av gamle steinar!

STEDJE
BLOMSTER OG GARTNERI

Granden 9 • 6856 Sogndal • tlf. 57 67 10 37



Optiker

Kjell M. Talleraas

6856 Sogndal • tlf. 920 94 145 • nettbriller.com

HOLLEKVE SAG
TRE- OG STÅLBYGG

Telefon 90 11 67 83



Byggmester

Ingmar Stenehjem

mob. 90 58 10 21 • tlf. 57 67 29 52
www.stenehjembygg.no

AMFI
SOGNINGEN



AMFI Mykje å gle seg til. Alltid.



NORDBOHUS SOGN

www.nordbohus.no/sogn



HOLEN INSTALLASJON AS

SOGNDAL • GAUPNE • LEIKANGER • VIK

www.holen-installasjon.no • Tlf. 57 67 75 00 • post@holen-installasjon.no



Sogn Kontorsenter

57 67 66 99
www.sognkontorsenter.no



solberg
el-service

Sogn
gravferdshjelp

Telefon heile døgnet:
57 68 14 77

Kjell Grønli | Hans Magne Kvåle | Ingar Husum | Hege Urnes
Post- og besøksadresse: Parkvegen 3, 6856 Sogndal



Sognekraft
- set krefter i sving

www.sognekraft.no - P.b. 3, 6891 Vik i Sogn - post@sognekraft.no



Telefon: 57 67 18 85

Opplæring klasse
A1-A-B-BE-T-M146

Trafikalt grunnkurs

E-post:
post@hofslundsen-trafikkskule.no



VestlandsHus
TRYGGE HJEM

**ALT INNAN TØMRAR
OG BETONGARBEID**
KONTAKT OSS FOR TILBOD!



VestlandsHus
VestlandsHus Sogn AS • Tlf 57 67 33 88

ncom

OFFENTLEG GODKJENT
REINGJERINGSFIRMA
www.ncomsogn.no

RØYRLEGGJAR



ingmar fimreite as
6856 Sogndal Tlf. 57 67 45 21 - mob. 905 00 331
www.fimreite.as

FS Anlegg as
www.fsanlegg.no

THARASO AS

 **SOGN
KJØLESERVICE**
57 67 11 11 **sognkulde.no**

 **dyreklinikken**
-i Sogndal AS

Man: 18.00 – 20.00
Tys og ons: 08.00 – 11.00
Tor og fre: 09.00 – 12.00
Tlf: 57 67 55 55 / 976 75 555

Soksi g
FRISØR tlf. 906 75 427
Anne-Karin Mundal Bakke

Ledig annonseplass!

TRENG DU
NOKON Å FORTELJE
DET TIL?

 **KIRKENS
SOS**
22 40 00 40

Ætti i glede og sorg



Sjå sogndal.kyrkja.no for påmelding til dåp eller ta kontakt med kyrkjekontoret om moglege datoar for dåp og vigsel. Telefon 57 67 99 85

DØYPTE

BALESTRAND

13.05.2021 Marie Tjugum

NORUM

16.05.2021 Ivar Øvretun

KAUPANGER

25.04.21 Mari Lund

25.04.21 Kasper Stølen Aspeseter, døpt Leikanger kyrkje

13.05.21 Aurora Bjørkum

13.05.21 Orion Tverberg

STEDJE

20.02.2021 Jeppe Grønningsæter, døpt i Vik kyrkje

21.03.2021 Mathias Molland Uglum

21.03.2021 Nikolas Espeland Bergum, døpt i Kaupanger stavkyrkje

18.04.2021 Emma Brusegard Bøe

18.04.2021 Elias Stokkenes

02.05.2021 Olav Brodwall-Aaberge

GRAVLAGDE

BALESTRAND – TJUGUM KYRKJE

16.03.2021 Hans Henrik Hovlandsdal (Bisetjing) f. 1946

07.05.2021 Johannes Fjærestad f. 1924

20.05.2021 Oddvar Rauboti f. 1934

KAUPANGER

19.03.2021 Anna Margrethe Timberlid f. 1927

NORUM

23.02.2021 Jon Fimreite f. 1962

16.04.2021 Ragnhild Njøs f. 1925

STEDJE

12.02.2021 Berit Gjertine Reppen f. 1939

19.02.2021 Agnes Hauge f. 1943

19.02.2021 Gjertrud Aaberge f. 1931

09.03.2021 Per Uglum f. 1927

09.03.2021 Anders Sanden f. 1942

VIGDE

KAUPANGER

27.03.2021 Anniken Lilleøren og Tommy Kråkenes

Velkommen til gudsteneste



Med atterhald om endringar.
Sjå gudstenesteliste i Sogn Avis eller på www.sogndal.kyrkja.no

For friluftsgudstenester, sjå side 7. Sjå elles www.sogndal.kyrkja.no og Kyrkja i Sogndal på Facebook for oppdatert informasjon.

JUNI

20. juni Fjærland kyrkje kl. 11.00: Blomstergudsteneste. Utdeling av bøker til 6- og 11-åringar.
27. juni Stedje kyrkje kl. 11.00: Gudsteneste
Sæle kyrkje kl. 11.00: Gudsteneste

JULI - Alle gudstenestene er felles for alle sokna

4. juli Tjugum kyrkje kl. 11.00: Gudsteneste
Leikanger kyrkje kl. 11.00: Gudsteneste
11. juli Stedje kyrkje kl. 11.00: Gudsteneste
18. juli Ølmheim kyrkje kl. 11.00: Gudsteneste
Tjugum kyrkje kl. 11.00: Gudsteneste
25. juli Leikanger kyrkje kl. 11.00: Gudsteneste
29. juli – Olsok Kvamsøy kyrkje kl. 17.00: Olsokgudsteneste. Båtskyss frå kl. 16.00
Kaupanger stavkyrkje kl. 19.30: Olsokgudsteneste

AUGUST

1. august Stedje kyrkje kl. 11.00: Gudsteneste. Felles for alle sokna
8. august Tjugum kyrkje kl. 11.00: Gudsteneste
15. august Stedje kyrkje kl. 11.00: Skulestartsgudsteneste. Utdeling av 6-årsbøker
Kaupanger stavkyrkje kl. 16.00: Skulestartsgudsteneste. Utdeling av 6-årsbøker
Leikanger kyrkje kl. 17.00: Skulestartsgudsteneste. Utdeling av 6-årsbøker
22. august Leikanger kyrkje kl. 11.00: Gudsteneste
Kaupanger stavkyrkje kl. 11.00: Gudsteneste
Tjugum kyrkje kl. 11.00: Samtalegudsteneste med konfirmantane
29. august Fjærland kyrkje kl. 11.00: Gudsteneste
Sæle kyrkje kl. 11.00: Gudsteneste
Stedje kyrkje kl. 19.30: Kveldsgudsteneste

SEPTEMBER

5. september Ølmheim kyrkje kl. 11.00: Gudsteneste
Tjugum kyrkje kl. 11.00: Gudsteneste
Leikanger kyrkje kl. 19.00: Gudsteneste
12. september Stedje kyrkje kl. 11.00 : Gudsteneste
Kaupanger stavkyrkje kl. 19.30: Gudsteneste
19. september Leikanger kyrkje kl. 11.00: Gudsteneste
Tjugum kyrkje kl. 11.00: Gudsteneste
Stedje kyrkje kl. 11.00: Gudsteneste
26. september Fjærland kyrkje kl. 11.00: Hausttakkefest
Sæle kyrkje kl. 11.00: Gudsteneste
Kaupanger stavkyrkje kl. 11.00: Gudsteneste
Stedje kyrkje kl. 19.30: Gudsteneste


OKTOBER

3. oktober Stedje kyrkje kl. 11.00: Hausttakkefest. Utdeling av 4-årsbok.
Ølmheim kyrkje kl. 11.00: Hausttakkefest. Utdeling av bøker til 4- og 11-åringar.
Tjugum kyrkje kl. 11.00: Hausttakkegudsteneste. Utdeling av 4-årsbøker.
Leikanger kyrkje kl. 17.00: Hausttakkefest. Utdeling av 4-årsbok.

Følg Kyrkja i Sogndal på Facebook og Instagram



Kyrkja i Sogndal



@kyrkjaisogndal

Del dine bilete med oss: #kyrkjaisogndal #deletru #gladikyrkja

Med avkappa hender

Me har alle fått endringar i livet vårt gjennom pandemien. Nokre merkar det mykje, andre merkar det lite. For nokre har koronaen kanskje hatt nokre fordelar, og opna augene for noko anna og viktigare, medan litt for mange har merka trasige, negative konsekvensar. Men me har alle vorte påverka på ein eller annan måte, og etter kvart har me byrja å bli vande med det.

Men me lengtar stadig etter normalen, og nokre ting er vanskelegare enn anna å venne seg til. For meg som prest har noko av det verste vore å kutte ut handhelsinga. Eg kjenner på at eg på mange måtar går med avkappa hender. Og eg klarar ikkje heilt å venne meg til det. Eg vil heller ikkje bli vand med det, for eg håpar me snart kan handhelse att. Eg møter folk i mange samanhengar, og mange eg ikkje har snakka med før. Då er det godt å kunne strekke ut handa og ha det som eit ekstra verktøy i tillegg til ord som «Kondolerer.», «Til lukke med dagen!» eller «Lukke til!» Ja, og det å seie

namnet sitt til handtrykket høyrer også saman.

Det handlar om å røre kvarandre fysisk. Om å kome i kontakt. Eit handtrykk kan vere både fint, godt, vanskeleg, sårt, hardt, varmt og kaldt. Men det er der. Me kjem i kontakt med kvarandre.

Me «står 'an over», og skal klare oss utan handtrykk ei stund. Og nemneverdig skade vil me nok ikkje ta, får me håpe. Men det skal bli godt å igjen kunne røre ved kvarandre på denne enkle måten. Gud vil også røre ved oss, han vil ha kontakt med oss. Og vår menneskelege kontakt og berøring er ei hjelp til å skjønne Guds gode berøring av oss. Gud kjem oss nær, han vil vere oss nær. Og det er lettare å skjønne når me på meir normalt vis kan vere nær kvarandre.

Men så er heldigvis ikkje Gud avhengig av handtrykket, slik eg av og til lurar på om eg er. Gud kan røre ved hjarta våre. Og me kan late han gjere det.

«Gud er Gud om alle mann var døde» heiter det i salmen til Petter Dass. Ja, Gud er der alltid og vil alltid vere der, uavhengig av pandemiar eller andre ting som kjem i vegen. Me har i lang tid no ikkje kunna møtast så mykje som me plar gjere, eller skulle ynskje å gjere. Likevel erfarer eg at Gud er der. Både Han og me brukar andre kanalar no enn til vanleg. Og Gud er på alle plattformer, som det heiter så fint. Me kan alltid kome til Han og late oss bli rørt av Han og det Han gjev oss i sitt ord og gjennom Den heilage ande.

Eg ser fram til å få hendene mine tilbake. I mellomtida skal me få hjelpe kvarandre til å bli berørte av Gud. Alltid kan me seie: Herren velsigne deg og vare deg. Herren late sitt andlet lyse over deg og vera deg nådig. Herren lyfte sitt åsyn på deg og gje deg fred. Amen.

Vegard Bondevik Lie
Sokneprest, Leikanger og Norum